
ЯНА БИР КИЧИК САНОАТ ЗОНАСИ ТАШКИЛ ЭТИЛАДИ

Бугун аҳоли сони ортиб борапти. Бу албатта қувонарли ҳол. Оила фаровонлини таъминлаш, рўзғорнинг бутлиги албатта маблагга боғлиқ. Бу борада аҳолини муқим иш ўрни билан таъминлаш катта аҳамиятга эга.

Фарғона вилояти ҳокимлиги мавжуд ресурс ва имкониятлардан фойдаланган ҳолда Ўзбекистон туманидаги “Мингтут” МФЙ ҳудудида 90 гектар майдонда “Мингтут” кичик саноат зонаси, 140 гектар майдонда “Қўқон” кичик саноат зонасини ташкил этиш ташаббуси билан чиққан эди. Келгусида Ўзбекистон тумани ва унга чегарадош Қўқон шаҳри тадбиркорларининг саъй ҳаракатлари билан юзлаб ишлаб чиқариш корхоналари фаолият юритади, ҳудуд аҳолиси ишли бўлади. Ички ва ташқи бозор учун саноат маҳсулотларининг тури кўпаяди.

Вилоят ҳокими Хайрулло Бозаров икки чегарадош туман ва шаҳар ҳудудида ташкил этилаётган саноат зонасида бўлиб, 63 нафар тадбиркорлик субъектларининг истиқболли бизнес лойиҳалари билан танишди, ўз фикр-мулоҳазаларини билдирди ва уларнинг келгусидаги ишларига омад тилади.

- Пандемия шароитида иқтисодиётни барқарор ўсишини таъминлаш, янги лойиҳаларни амалиётга тадбиқ этишда инвестициялар ҳажмини оширишнинг энг тўғри йўли бу – маҳаллий тадбиркорларни қўллаб-қувватлашдан иборат. Ижро ҳокимияти вакиллари ҳар бир тадбиркор билан елкама-елка туриб ишлашга, ҳамкор ва кўмакчи бўлишга тайёрлигимизни билишингизни истардим, деди вилоят ҳокими ўз сўзи якунида.

Таъкидланишича, “Мингтут” маҳалла фуқаролар йиғини ҳудудида ташкил этилаётган кичик саноат зонасида 203 миллиард сўмлик жаъми 57 та лойиҳа амалиётга тадбиқ этилади. Дастлабки лойиҳаларга кўра жаъми 1800 дан зиёд ишчи ўрни яратилади. Айтилган лойиҳалар тақдироти давом этмоқда.

Фарғона вилояти ҳокимлиги

2020-12-23 16:17:06